

NË EMËR TË POPULLIT

GJYKATA THEMELORE NË PRISHTINË/Departamenti i Përgjithshëm-Penal, gjyqtari, Kujtim Krasniqi, me zyrtaren ligjore Dafina Ymeri, në çështjen penale kundër të pandehurit M.G. nga G., për shkak të veprës penale Rrezikimi i trafikut publik nga neni 378 par.6 lidhur me par.1 të KPRK-së, i akuzuar sipas aktakuzës dhe kërkesës për dhënien e Urdhrit Ndëshkimor, pa mbajtjen e shqyrtimit gjyqësor, të Prokurorisë Themelore në Prishtinë/Departamenti i Përgjithshëm PP.II.nr.3935/17 të datës 23.08.2017, jashtë seancës, me datë 10.04.2018, mori këtë:

A K T G J Y K I M

PRANOHET kërkesa e Prokurorisë Themelore në Prishtinë- departamenti i Përgjithshëm PP.II.nr.3935/17 të datës 23.08.2017, për shqiptimin e urdhrit ndëshkimor,

Andaj gjykata konformë nenit 495 të KPPK-së, jep:

URDHËR NDËSHKIMOR

I akuzuari;

M.G., i ati **R.**, i lindur mëdt:..., me vendbanim në fshatin A. Komuna e G. ku edhe tani jeton, me nr. personal ..., shqiptar, - shtetas i Republikës së Kosovës.

ËSHTË FAJTOR

Sepse,

Me datë 22.06.2017, rreth orës 00:30, në rrugën "F.L1." përball marketit "I." në P., i pandehuri M.G., derisa ishte duke drejtuar automjetin e markës "Audi 89", ngjyrë hiri, me targa të regjistrimit ..., nga pakujdesia, duke menduar lehtë se nuk do të rrezikoi komunikacionin, nuk i është përmbajtur rregullave të komunikacionit, duke rrezikuar jetën e njerëzve dhe duke vepruar në kundërshtim me nenin 48 par.2 të Ligjit mbi bazat e sigurisë së trafikut, /Nr.05/L-88/, i cili nuk e ka përshtatur mënyrën e lëvizjes kushteve dhe rrethanave të krijuara në rrugë, duke mos ju kushtuar kujdes pjesmarrësve tjerë në komunikacion, ku gjatë drejtimit të automjetit nuk e ka drejtuar automjetin në shiritin e tij të lëvizjes, por ka lëvizur në shiritin e kundër duke i dalë përball automjetit "Sest Ibiza", dhe me pjesën e përparme ballore e godet në pjesën e përparme ballore automjetin "Sest Ibiza" ngjyrë e bardh, me targa të regjistrimit .., të cilin automjet e drejtonte i dëmtuari N.B., i cili ishte duke lëvizur në shiritin e vet qarkullues, me ç'rast lëndime të lehta trupore pëson ngasësi i automjetit "Sest Ibiza", N.B. dhe pasagjeri në automjet "Audi 89", Sh.G. dhe shkaktohet aksident komunikacioni me dëme materiale në automjete,-

-me këtë ka kryer veprën penale Rrezikimi i trafikut publik nga neni 378 par. 6 lidhur me par.1 të KPRK-së.

Andaj gjykata konform neneve 4, 41, 43, 46, 73 të KPK, si dhe neneve 365 e 495, të KPPK-së i shqipton

DËNIMIN ME GJOBË

Nëshumë prej **200(dyqind) Euro**, të cilin dënim është i obliguar që ta paguaj në afat prej 15 ditësh prej ditës së marrjes së formës së prere të këtij aktgjykimi.

Dënimin e shqiptuar i pandehuri mund ta paguaj deri në 2 (dy) këste mujore në afat kohor prej 2 (dy) muaj, deri në datën 5 të muajit vijues nga dita e marrjes së formës së prere e këtij aktgjykimi.

Në rast se i pandehuri nuk e paguan dënimin e shqiptuar, gjykata mundësinë e pagesës me këste do ta revokoj dhe konform nenit 46 të KPK-së i njëjti do të zëvendësohet me dënim burgimi **duke llogaritur çdo 20 (njëzet) euro me 1 (një) ditë burg.**

Obligohet: i akuzuari që në emër të shpenzimeve të procedurës penale gjykatës t'ia kompensoj shumën prej **40.88** euro për ekspertizën e komunikacionit, shumën prej **50** euro te ekspertizës mjeko-ligjore, si dhe në

emër të paushallit gjyqësor gjykatës t'ia kompensojnë shumën prej **30** euro, të gjitha këto në afat prej 15 ditësh, nga dita e plotfuqishmërisë së këtij aktgjykimi nën kërcënimin e ekzekutimit me detyrim.

Tëdëmtuarit – N.B., me vendbanim në rr. “P.B.”, nr.... në F. dhe Sh.G., me vendbanim në fshatin A. Komuna G., lidhur me realizimin e kërkesës pasurore juridike udhëzohen në kontest të rregullt civil.

A r s y e t i m

Prokuroria Themelore në Prishtinë- Departamenti i përgjithshëm ka paraqitur aktakuzën PP.II.nr.3935/17 të datës 23.08.2017, kundër M.G.nga G. ,për shkak të veprës penale Rrezikimi i trafikut publik nga neni 378 par. 6lidhur me par.1 të KPRK-së, iakuzuari sipas aktakuzës dhe kërkesës për dhënien e Urdhrit Ndëshkimor, pa mbajtjen e shqyrtimit gjyqësor.

Prokurori i çështjes, Gjykatës i ka propozuar që kundër të akuzuarit të lëshoj Urdhrin Ndëshkimor me arsyetimin e besueshëm nga kallëzimi penal dhe provat e bashkangjitura lidhur me bazueshmërin e aktakuzës së prokurorisë në drejtim të vërtetimit të fakteve të cilat vërtetojnë faktin se i akuzuari e ka kryer veprën penale për të cilën akuzohet.

Me rastin e shqyrtimit paraprak të çështjes e konform nenit 493 të KPPK-së Gjyqtari i vetëm gjeti se janë plotësuar kushtet nga neni 495 të KPPK-së dhe vendosi që ta pranoj kërkesën për dhënien e urdhrin ndëshkimor si në dispozitiv të këtij aktgjykimi.

Gjykata konsideron se provat e bashkangjitura në shkresat e lëndës si: Raporti fillestar i aksidentit, me nr. rastit 0229959, të dt.22.06.2017, mendimi i ekspertit mjeko-ligjor edatës 25.07.2017, mendimi i ekspertit të komunikacionit edatës 07.08.2017, si dhe të shikohen skica dhefotografit e vendit të ngjarjes, janë prova të mjaftueshme me të cilat vërtetohet se i akuzuari ka kryer veprën penale e cila i vihet në barrë.

Andaj Gjykata duke u bazuar në këto prova të besueshme vërtetoi se në veprimet e të akuzuarit ekzistojnë elementet e veprës penale Rrezikimi i trafikut publik nga neni 378 par. 6lidhur me par.1 të KPRK-së, për këtë edhe i shqiptoi urdhrin ndëshkimor si në dispozitiv të këtij aktgjykimi.

Vendimi për kompensimin e shpenzimeve të procedurës penale dhe të paushallit gjyqësorë, u mor konform nenit 450 par.1 dhe 2 nënpar 2.1 dhe 2.6 të KPPK-së.

Në bazë të nenit 463 par.1 dhe 2 të KPPK-së, palët e dëmtuarajanë udhëzuar në kontest civil për realizimin e kërkesës pasurore-juridike.

Nga sa u tha më lart, e në bazë të neneve 365 e 495 të KPPK-së, u vendos si në dispozitiv të këtij aktgjykimi.

GJYKATA THEMELORE NË PRISHTINË
Departamenti i përgjithshëm-Penal
P.nr.3733/17, të dt. 10.04.2018

Zyrtare Ligjore
Dafian Ymeri

Gjyqtari,
Kujtim Krasniqi

KËSHILLA JURIDIKE;

Kundër këtij aktgjykimi mund të ushtrohet kundërshtim në afat prej 8 ditësh nga marrja e të njëjtit, kësaj Gjykate, pas kalimit të afatit për kundërshtim urdhri ndëshkimor, merr formën e prerë.